

# Эк-эцкнрин хург

Юстинск района Северн долан дж-илин школд сурчах сургъульчнрин эк-эцкнрин хург болв. Школин директор үр А. А. Алехина 1959—1960-ч сургъулин джилтин түрүв дөрвнән ашин тускар келв. Сургъулин джилд сән белдвр кедж, школин гер сәәнәр ясгддж, үвлә түләгъән белдәд авчкдж, сургъуль сурх наста бичкдүд цугтан сурчацхана.

Болв дуту-дундєв бәәнә. Кергтә дегтрмүд дуту, тер дотр хальмт велнә дегтрмүд, школд багшнр дуту болад 2—3 классмуд хамдан сурцхана. Эн дуту-дундєсас көлтә 99 сургъульчнрас 15 күнь «2» темдг авч. 5-ч классд 17 сургъульчнрин 9-нь муугъар сурдгдж. Уг авч келсн эк-эцкнр А. Жабина болн А. Качканов, — сургъульчнр дунд эврә сән дурарн орлцдг кружок муугъар көдлджәнә, сургъмджин көдлмш сулар кегдджәнә, пионерск болн комсомольск көдлмш үзгдхш, — гидж келцхäv.

Олнд туста көдлмш дасхдг урок ик кергтә деерән, сәәнәр кегддж йовна гидж келцхäv.

Хургт ирсн эк-эцкнр күүндсн төрәрн, школд бәәх дуту-дундєсиг чиклхднь дөнъ болх даалгъвр авцхав.

Н. БАДМАЕВ.